



1936/24 18-11-2025 SEHVEDI

JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-20616-1-3.4./2025

Datum: 13.11.2025.godine

Mjesto: Sarajevo

Na osnovu člana 70. stav (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH" broj: 39/14, 59/22 i 50/24), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo, Rješenja Ureda za razmatranje žalbi broj: JN2-01-07-1-1274-6/25 od 28.08.2025. godine i Zapisnika o pregledu i ocjeni ponuda sa preporukom Komisije broj: 3202-1-2/2025 od 10.11.2025. godine, Uprava Društva na 65. sjednici, održanoj dana 13.11.2025. godine, donijela je

O D L U K U
o izboru najpovoljnijeg ponuđača

I

Ugovor za javnu nabavku radova – Postavljanje opreme i instalacija daljinskog upravljanja postrojenjima za električnu vuču na prugama Doboj (Maglaj) – Sarajevo i Sarajevo – Čapljina, za potrebe JP Željeznice Federacije BiH d.o.o. Sarajevo, dodjeljuje se drugorangiranom ponuđaču i to grupi ponuđača KONČAR – Elektroindustrija d.d. za proizvodnju i usluge i STEP d.d. Sarajevo, sa cijenom od 3.181.673,05 KM (bez PDV-a), odnosno 3.722.557,47 KM (sa PDV-om), tender broj: UDUD-3202-1/2025.

II

Ugovor se dodjeljuje na osnovu člana 64. stav (1) tačka a) Zakona o javnim nabavkama tj. u skladu sa kriterijem ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-2343-1-11.12./2025 od 13.02.2025. godine, odobrila pokretanje otvorenog postupka sa dodatnom objavom na engleskom jeziku za javnu nabavku radova – Postavljanje opreme i instalacija daljinskog upravljanja postrojenjima za električnu vuču na prugama Doboj (Maglaj) – Sarajevo i Sarajevo – Čapljina, tender broj: UDUD-3202-1/2025.

UIC 50

Bosna i Hercegovina

JP ŽFBiH d.o.o. Sarajevo Centrala: +387 33 657-313; Kabinet Predsjednika Uprave-Generalnog direktora: tel. +387 33 251-120, fax +387 33 652-396; Poslovi razvoja i investicija: tel. +387 33 617-754, fax +387 33 617-922; Željeznički operator: tel. +387 33 251-126, fax +387 33 610-038; Željeznička infrastruktura: tel. +387 33 251-120, fax +387 33 656-062; Ekonomski poslovi: tel. +387 33 251-123, fax +387 33 217-085; Pravni i kadrovski poslovi: tel. +387 33 251-123.

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je na 5. sjednici donijela Odluku o investiciji broj: UD-4032-1-7/2024 od 07.03.2024. godine.

Rješenjem VD Predsjednika Uprave - Generalnog direktora broj: 1-3954-1/2025 od 18.02.2024. godine, imenovana je Komisija za nabavke (u daljem tekstu: Komisija) koja je provela postupak nabavke u sljedećem sastavu: Maja Deljković Zubčević – predsjedavajući – službenik za JN, Sakib Čavčić – član, Haris Trapara – član, Amila Sulejmanović – član i Biba Hodžić – član. Sekretar komisije je Edina Karić.

Obavještenje o nabavci je objavljeno na portalu javnih nabavki dana 19.03.2025. godine, broj obavještenja: 1050-1-3-49-3-39/25. Sažetak obavještenja o nabavci je objavljen u "Sl. glasniku BiH" broj: 19, strana 117 dana 28.03.2025. godine.

Na osnovu člana 63. Zakona o javnim nabavkama ("Službeni glasnik BiH" broj: 39/14, 59/22 i 50/24), Komisija je dana 06.05.2025. godine u 13:00 sati, izvršila javno otvaranje ponuda, uz prisustvo predstavnika grupe ponuđača: GENEL d.o.o. Mostar i ELNOS BL d.o.o. Banja Luka – Bojan Skaramuca i grupe ponuđača: KONČAR – Elektroindustrija d.d. za proizvodnju i usluge i STEP d.d. Sarajevo – Kenan Hajrić i Nenad Lešić. Do roka određenog za prijem ponuda, blagovremeno su pristigle (dvije) ponude i to:

1. Ponuda grupe ponuđača: **GENEL d.o.o. Mostar i ELNOS BL d.o.o. Banja Luka**, koji su ponudili sljedeće:
Cijena: 2.934.087,03 KM (bez PDV-a), odnosno 3.432.881,82 KM (sa PDV-om),
Uslovi i način plaćanja: 60 dana od dana ovjere privremene ili okončane situacije od strane ugovornog organa za izvedene radove,
Rok isporuke: 300 dana od dana ispostavljanja narudžbenice od strane ugovornog organa.
2. Ponuda grupe ponuđača: **KONČAR – Elektroindustrija d.d. za proizvodnju i usluge i STEP d.d. Sarajevo**, koji su ponudili sljedeće:
Cijena: 3.181.673,05 KM (bez PDV-a), odnosno 3.722.557,47 KM (sa PDV-om),
Uslovi i način plaćanja: 60 dana od dana ovjere privremene ili okončane situacije od strane ugovornog organa za izvedene radove,
Rok isporuke: 290 dana od dana ispostavljanja narudžbenice od strane ugovornog organa.

Komisija je pristupila pregledu i ocjeni pristiglih ponuda, te prvobitno konstatovala sljedeće:

Ponuda grupe ponuđača: KONČAR – Elektroindustrija d.d. za proizvodnju i usluge i STEP d.d. Sarajevo je ocijenjena kao prihvatljiva na osnovu člana 2. stav (1) tačka l) pod 1) Zakona, jer ista ispunjava sve kriterije za izbor najpovoljnije ponude iz tenderske dokumentacije, te je ponuda u skladu sa tehničkom specifikacijom.

Ponuđaču: GENEL d.o.o. Mostar kao ovlaštenom predstavniku grupe ponuđača GENEL d.o.o. Mostar i ELNOS BL d.o.o. Banja Luka upućen je akt broj: 1-9891-1/2025 kojim se traži saglasnost za ispravku računске greške u tački 3.1.1., na koju je ponuđač blagovremeno dao saglasnost aktom broj: 29-05/2025 od 22.05.2025. godine. Ukupna vrijednost ponude nakon ispravke računске greške iznosi 2.934.086,23 KM bez PDV-a, odnosno 3.432.880,89 sa PDV-om.

Prilikom pregleda ponude grupe ponuđača: GENEL d.o.o. Mostar i ELNOS BL d.o.o. Banja Luka uočeno je da je ponuđač u prilogu priloga 3. obrazca za cijenu ponude - RADOVI, Predmjer i predračun za „Nabavku radova...” na tri mjesta u polju jedinična cijena, bez obračunatog PDV-a (KM) koristio korektor i to na pozicijama 3.3.1., 4.4.5. i 8.3.6., a da pritom nije postupio u skladu sa odredbom Uputstva za pripremu modela tenderske dokumentacije i ponuda, član 18., stav (1) pod m).

Prilikom razmatranja ove vrste upotrebe korektora, Komisija za nabavke je zauzela jedinstven stav da se ova korekcija ne treba posmatrati kao ispravka koja je pobliže uređena pomenutim Upustvom, obzirom da je ponuđač u svakom narednom podzbiru i zbiru ponude čitko i jasno upisao ispravne vrijednosti, te u konačnosti u polju ukupna vrijednost bez obračunatog PDV-a (KM) upisao ispravne vrijednosti i time nedvosmisleno izrazio ukupnu vrijednost ponude. Sabiranjem cijena izraženih po stavkama, dobije se tačan iznos ukupne ponude koji je uredno upisan bez bilo kakvih korekcija ili ispravki. Nadalje, iz sadržaja ostatka ponude jasno i nedvosmisleno se može utvrditi da načinjena korekcija od strane ponuđača ne utiče na valjanost ponude pa stim u vezi osnovano je istu cijeniti kao manje odstupanje koje nije od presudne važnosti za prihvatljivost ponude.

Zaključeno je da ponuda ispunjava sve obavezne specifikacije i zahtjeve koje su navedene u tenderskoj dokumentaciji, te je ocijenjena kao prihvatljiva.

Oba ponuđača su u ponudama dostavili zahtijevane dokaze po izjavama 45. i 47. Zakona.

Ugovor se dodjeljuje u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnija ponuda. U skladu sa bodovnom listom, ugovor će se ponuditi najuspješnijem kvalifikovanom ponuđaču čija je ponuda dobila najviši ukupan broj bodova.

Postupak se okončava u skladu sa članom 69. stav 1. tačka a) Zakona.

PONUĐAČ:	*** NAPOMENA: CIJENA NAVEDENA U OVOJ OCJENI JE CIJENA NAKON RAČUNSKE PROVJERE			
	1. CIJENA: ***** 90%	2. USLOVI I NAČIN PLAĆANJA: ***** 5%	2. ROK IZVOĐENJA RADOVA: ***** 5%	1+2+3 UKUPNO BODOVA *****
	IZRAČUN: (najniža cijena koja je ponuđena / cijena koja je predmet ocijene) x 90% = BODOVA	IZRAČUN: (najduži ponuđeni rok plaćanja / rok plaćanja ponuđen u ponudi koja se ocijenjuje) x 5% = BODOVA	IZRAČUN: (najkraći ponuđeni rok izvođenja radova / rok izvođenja radova ponuđen u ponudi koja se ocijenjuje) x 5% = BODOVA	
GRUPA Ponuđača: Končar-elektroindustrija d.d. Zagreb i STEP d.d. Sarajevo	3.181.673,05 KM	Uvjeti plaćanja (dana)	Rok izvođenja radova (dana)	
		60	290	
	Obračun bodova	Obračun bodova	Obračun bodova	93,00
	83,00	5	5	
GRUPA Ponuđača: Genel d.o.o. Mostar i Elnos BL d.o.o. Banja Luka	2.934.086,23 KM	Uvjeti plaćanja (dana)	Rok izvođenja radova (dana)	
		60	300	
	Obračun bodova	Obračun bodova	Obračun bodova	99,83
	90,00	5	4,83	

Na osnovu navedenog, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te je u skladu sa članom 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo dala p r e p o r u k u Upravi Društva za donošenje Odluke o izboru najpovoljnijeg ponuđača, kojom Ugovor za javnu nabavku radova – Postavljanje opreme i instalacija daljinskog upravljanja postrojenjima za električnu vuču na prugama Doboj

(Maglaj) – Sarajevo i Sarajevo – Čapljina, tender broj: UDUD-3202-1/2025, dodjeljuje grupi ponuđača: GENEL d.o.o. Mostar i ELNOS BL d.o.o. Banja Luka, sa cijenom od 2.934.086,23 KM bez PDV-a, odnosno 3.432.880,89 sa PDV-om.

Uprava Društva je prihvatila preporuku Komisije, te je u skladu sa navedenim donijela Odluku o izboru najpovoljnijeg ponuđača broj: UD-13070-1-5.4./2025 od 09.07.2025. godine, kojom je ugovor dodijeljen grupi ponuđača: GENEL d.o.o. Mostar i ELNOS BL d.o.o. Banja Luka. Ponuđači su o ishodu postupka obaviješteni Obavještenjem broj: 1-13487-1/2025 od 15.07.2025. godine.

Po zaprimanju Obavještenja grupa ponuđača KONČAR – Elektroindustrija d.d. za proizvodnju i usluge i STEP d.d. Sarajevo je putem Ugovornog organa izjavila Uredu za razmatranje žalbi Žalbu broj: 75-25-00065 od 30.07.2025. godine, zaprimljenu dana 04.08.2025. godine pod brojem protokola: 45-14449-1/2025, na Odluku o izboru najpovoljnijeg ponuđača broj: UD-13070-1-5.4./2025 od 09.07.2025. godine, osporavajući ukupno VII tačaka obrazloženja Odluke.

U skladu sa članom 100. stav 1. Zakona, ugovorni organ je utvrdio da je žalba blagovremena, dopuštena, uredna i izjavljena od strane ovlaštenog lica i od lica koje ima aktivnu legitimaciju. Na osnovu stava 5. istog člana Zakona, Ugovorni organ je u zakonski ostavljenom roku dostavio Izjašnjenje na navode Žalbe broj: 1-14819-1/2025 od 08.08.2025. godine, (u kojem Žalbu u cjelosti odbacuje kao neosnovanu), kao i kompletnu dokumentaciju vezanu za otvoreni postupak javne nabavke - Uredu za razmatranje žalbi na dalje odlučivanje.

Ugovorni organ je u skladu sa članom 110. Zakona odgodio nastavak predmetnog postupka javne nabavke do donošenja odluke Ureda za razmatranje žalbi, putem Portala javnih nabavki.

U skladu sa navedenim, Ured za razmatranje žalbi je donio Rješenje broj: JN2-01-07-1-1274-6/25 od 28.08.2025. godine, u kojem usvaja žalbu grupe ponuđača: KONČAR – Elektroindustrija d.d. za proizvodnju i usluge i STEP d.d. Sarajevo, poništava Odluku o izboru najpovoljnijeg ponuđača broj: UD-13070-1-5.4./2025 od 09.07.2025. godine, te predmet vraća ugovornom organu na ponovni postupak.

Komisija na svom ponovnom zasijedanju konstatuje da prihvata odredbe Rješenja Ureda za razmatranje žalbi po pitanju ocjene ponude prvorangiranog ponuđača u predmetnom postupku, te ponudu grupe ponuđača GENEL d.o.o. Mostar i ELNOS BL d.o.o. Banja Luka odbacuje kao neprihvatljivu na osnovu člana 2. stav 1) tačka 1) pod 2) Zakona, iz sljedećih razloga:

- Tehničkom specifikacijom, tačka 5.1.1. SCADA serveri, traženo je, pored svih tehničkih karakteristika navedenih u tački 5.1.1. da je ponuđen server predviđen i za radnu temperaturu od -10°C do +60°C. Uvidom u Tablu ponuđene opreme (Prilog 12, strana 319, stavka 2), ponuđač je ponudio server oznake MIC 770 BTO proizvođača Advantech, za radnu temperaturu -10 do +50, što ne ispunjava zahtijevanu specifikaciju.

- Tehničkom specifikacijom, tačka 5.3.5. Rastavljači kontaktne mreže sa motornim pogonom, traženi su rastavljači za kontaktnu mrežu. Uvidom u Tablu ponuđene opreme (Prilog 12, strana 329, stavka 19), ponuđač je ponudio rastavljač ONI 30W/16-2 proizvođača HITACHI (ABB), ali nije naveo da se rastavljač može primjenjivati na postrojenjima kontaktne mreže. Uvidom u tehničku dokumentaciju proizvođača koja je dostupna na internetu (katalog i servisni priručnik) za navedeni tip rastavljača, nije eksplicitno navedeno da se isti može primjenjivati na kontaktnoj mreži, tj. da je namjenjen za primjenu u željezničkim sistemima. Napominjemo da se isti neće primjenjivati za podužno ili poprečno sekcionisanje kontaktne mreže na otvorenoj pruzi ili stanici.

Ponuda se odbacuje u skladu sa članom 68. stav 4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Što se tiče ostala dva žalbena navoda pod (C) i (F) u kojima je žalba grupe ponuđača: KONČAR – Elektroindustrija d.d. za proizvodnju i usluge i STEP d.d. Sarajevo prihvaćena, Komisija je ponovnim pregledom ponude utvrdila sljedeće:

1. Grupa ponuđača GENEL d.o.o. Mostar i ELNOS BL d.o.o. Banja Luka je u ponudi ponudila Jednopolni naponski transformator proizvođača HITACHI (ABB) tvorničke oznake (koda) TJC 7 25000/100, čime je jasno i nedvosmisleno definisan tip transformatora sa sekundarnim naponom od 100V kako je i traženo Predmjerom i predračunom. Pregledajući dostupni katalog navedenog proizvoda jasno je da se radi o traženom transformatoru sekundarnog napona 100V što Ugovorni organ prihvata kao zadovoljavajući, jer je upis od 110 V sekundarnog napona od strane ponuđača u Tablu ponudene opreme (Prilog 12, strana 327) štamparska greška.

2. Ugovorni organ je utvrdio da je grupa ponuđača GENEL d.o.o. Mostar i ELNOS BL d.o.o. Banja Luka dostavila ovjerenu kopiju važećeg ISO 9001:2015 certifikata izdatog na ime člana grupe ELNOS BL d.o.o. Banja Luka i to na jednom od službenih jezika u Bosni i Hercegovini. Valjanost certifikata i dokaz da je izdan na jednom od službenih jezika u Bosni i Hercegovini utvrđeno je putem provjere aplikacijom za čitanje QR koda koji se nalazi na dostavljenom certifikatu. Navedeni certifikat je u skladu sa zahtjevom iz tačke 13.9. Tenderske dokumentacije, te se smatra validnim dokazom o ispunjenju traženog uslova kako je Tenderskom dokumentacijom u tački 13.10 precizirano.

U skladu sa gore navedenim, a postupajući po Rješenju Ureda za razmatranje žalbi broj: JN2-01-07-1-1274-6/25 od 28.08.2025. godine, Komisija je dala preporuku Upravi Društva za donošenje Odluke o izboru najpovoljnijeg ponuđača u postupku za javnu nabavku radova – Postavljanje opreme i instalacija daljinskog upravljanja postrojenjima za električnu vuču na prugama Doboj (Maglaj) – Sarajevo i Sarajevo – Čapljina, tender broj: UDUD-3202-1/2025, kojom se ugovor dodjeljuje drugorangiranom ponuđaču i to grupi ponuđača KONČAR – Elektroindustrija d.d. za proizvodnju i usluge i STEP d.d. Sarajevo, sa cijenom od 3.181.673,05 KM (bez PDV-a), odnosno 3.722.557,47 KM (sa PDV-om), a sa u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnija ponuda.

Ugovorni organ neće donositi dodatni akt za stavljanje van snage prethodne osporavane Odluke o izboru najpovoljnijeg ponuđača, jer je predmetnim Rješenjem Ureda za razmatranje žalbi ista poništena.

Uprava Društva je prihvatila preporuku Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi, putem ugovornog organa, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor za nabavke i prodaju/x2,
- Sektor plana, analize i raspoređivanja prihoda,
- Ponuđaču/x2,
- Uz Zapisnik,
- a/a.

VD Predsjednika Uprave – Generalnog direktora
Mirza Hadžibegić, dipl.ecc.

